

四庫全書

史部

欽定四庫全書

欽定外藩蒙古回部王公表傳卷之四十三

傳第二十七

鄂爾多斯部總傳

鄂爾多斯部在河套內至

京師千一百里東界歸化城土默特西界喀爾喀南
界陝西長城北界烏喇特東西北三面皆距河套
延二千餘里元太祖十六世孫巴爾蘇博羅特始

居河套為鄂爾多斯濟農子衮弼哩克圖墨爾根
繼之有子九分牧而處今鄂爾多斯七扎薩克皆
其裔長諾顏達喇襲濟農號為扎薩克郡王額璘
臣一旗祖次巴雅斯呼朗諾顏為扎薩克貝勒善
丹一旗祖次偉達爾瑪諾顏為扎薩克貝子沙克
扎鎮國公小扎木素二旗祖次諾們塔喇尼華台
吉為扎薩克貝子額琳沁一旗祖次玻揚呼哩都
噶爾岱青為扎薩克台吉定咱喇什一旗祖次巴

雅喇偉徵諾顏為扎薩克貝子色稜一旗祖次巴
特瑪薩木巴斡次納穆達喇達爾漢諾顏次翁拉
罕伊勒登台吉皆為濟農屬察哈爾林丹汗虐其
部濟農額璘臣與喀喇沁阿巴噶諸部長敗察哈
爾兵四萬於土默特之趙城天聰九年大軍收林
丹汗子額哲於黃河西托里圖地未至額璘臣私
要額哲盟分取其衆以行我軍追及之索所獲額
璘臣懼獻察哈爾戶千餘自是所部內附

頒授條約順治元年選兵隨英親王阿濟格赴陝西勦流賊李自成二年師旋得

優賚六年台吉大扎木素及多爾濟叛劫我使圖魯錫

敕曰聞爾等背叛即欲加兵但念受朕恩有年且生靈堪惜故不忍遽用干戈爾能悔過來朝即宥罪恩養倘恃險不即歸順當發兵窮爾踪跡必不容爾偷生時額璘臣偕同族固魯岱青善丹小扎木素沙克扎額璘沁色稜等攜屬自額濟內阿喇克鄂拉徙牧博羅

陀海

上嘉其不助逆

詔封郡王貝勒貝子鎮國公有差各授扎薩克凡六旗七年大扎木素降

詔宥其罪

諭多爾濟降不從九年

遣兵擒斬多爾濟於阿拉善康熙十三年冬調所部兵三千五百會勦陝西叛鎮王輔臣十四年復神木定

邊花馬池各城堡叙功晉扎薩克等爵台吉各加
一級二十七年噶爾丹侵喀爾喀奉

詔簡兵二千防汎三十五年

上親征噶爾丹至所部界扎薩克等率屬渡河朝

御營獻馬

上手書諭皇太子曰朕至鄂爾多斯地方見其人皆有禮
貌不失舊時蒙古規模各旗俱和睦如一體無盜賊駝
馬牛羊不必防守生計周全牲畜蕃盛較他蒙古殷富

圍獵嫻熟雉兔復多所獻馬皆極馴取馬不用套竿隨手執之水土食物皆甚相宜三十六年

允扎薩克等請設站阿都海軍奏及糧運俱由其地行時
扎薩克等率兵扈

蹕

頒賚白金是年冬理藩院劾運米遲悞罪

詔寬免五十一年

諭曰鄂爾多斯饑饉洊臻戶口流散可速遣官察核務令

各遂生業五十二年

詔定其部牧界先是郡王松喇布請暫收察罕托輝尚書
穆和倫等往勘議於柳壑剛柳壑房壑西壑四臺
外暫令駐牧至是寧夏總兵范時捷奏察罕托輝
係版圖內地蒙古遊牧與居民樵採混不便請仍
令以黃河為界

遣官勘議從時捷所請五十四年

詔簡兵二千從大軍防禦策妄阿喇布坦五十五年所部

歎收

遣官往賑凡七千九百餘戶三萬一千餘丁雍正元年復命賑恤十年以調赴固爾班賽堪兵三千不堪用者五百又中途逃歸四百餘為將軍達爾濟所劾論王貝勒貝子等罪各降爵尋以次予復乾隆元年

詔增設一旗以一等台吉定咱喇什領之授扎薩克五
十一年

諭曰我朝中外一家蒙古扎薩克俱為臣僕効悃抒忱

歷有年所朕恭閱

聖祖仁皇帝實錄康熙五十二年有鄂爾多斯請於察罕
托輝之地暫行游牧遣尚書穆和倫等前往勘明以
黃河東西定界一事此即如內地之鄉里小民貪得
便宜控爭阡陌無關緊要而總兵范時捷張大其詞
形諸章疏遂若有越界爭佔之事鄂爾多斯游牧之
地即係前明河套處所恐彼時無知之徒未必不疑
有如明李河套故事者然一經指定疆界直至今數

十年來永遠凜遵至乾隆四十九年陝甘總督福康
安奏稱該處黃河改向西流原在河西民人反在河
東鄂爾多斯蒙古貪利濫以現行黃河為界謂民人
佔據伊等游牧地方呈控隨派侍郎賽音博爾克圖
前往履勘仍照從前所定黃河舊流之地為界釘樁
立碑辦理完結鄂爾多斯蒙古等俯首遵依可見此
等事件原如內地百姓互爭隴畝細故並非若前明
之河套為末季邊疆構釁失算者之可比也朕閱及

此因恐無識不諳外藩情形之徒未能深悉其故妄
生疑議特明白宣諭俾衆共知之所部七旗自為一
盟曰伊克昭與哲哩木卓索圖昭烏達錫林郭勒
烏蘭察布五盟同列內扎薩克左翼前旗駐扎勒
谷左翼中旗駐教西喜峯左翼後旗駐巴爾哈遜
湖右翼前旗駐巴哈池右翼中旗駐西喇布哩都
池右翼後旗駐鄂爾吉虎泊後增一旗駐六旗界
爵八扎薩克多羅郡王一附輔國公一扎薩克多

羅貝勒一扎薩克固山貝子四一由鎮國公晉襲
扎薩克一等台吉一

扎薩克多羅郡王額璘臣列傳

額璘臣鄂爾多斯部人姓博爾濟吉特元太祖二十
一世孫祖布延巴圖爾琿台吉父博碩克圖世為
鄂爾多斯濟農察哈爾林丹汗惡之奪濟農號天
聰九年額璘臣偕弟垂喇琿台吉來歸

賜復濟農號自是頻入

覲

賜宴及甲冑弓矢鞍馬銀幣順治元年獻駝馬貂皮得

優賚六年來朝以不附所部大扎木素等叛

敕曰爾本鄂爾多斯濟農察哈爾林丹汗攻克爾部去濟

農號林丹汗敗奔爾未隨往我軍盡收察哈爾部衆仍

賜爾故號俾統爾衆爾果舉部內附特封爾為多羅郡

王世襲罔替十三年卒無嗣弟垂喇琿台吉之次子已

圖襲

一次襲巴圖額璘臣從子崇德七年來朝順治十三年襲扎薩克多羅郡王十四年以不孝母罪削爵

命其兄固魯襲

二次襲固魯巴圖兄順治十四年襲扎薩克多羅郡王十六年以其屬貧乏

賜馬百牛五十羊千贍之康熙十三年冬寧夏總兵陳福徵兵勦叛鎮王輔臣固魯屯寧夏邊聽調十四年

賊黨孫崇雅陷神木固嚕以延綏總兵許占魁告急率子伊斯多爾濟馳赴援尋偕同部貝子色稜固嚕斯希布等助官軍擊賊神木遂復十八年

詔嘉其功晉和碩親王三十一年卒子棟囉布襲郡王

三次襲棟囉布固嚕次子康熙三十一年襲扎薩克多羅郡王三十六年從征噶爾丹督兵護糧運四十二年

上閱兵安西棟囉布偕貝勒松喇布來朝扈

蹕至演武場見官兵嚴整奏臣等知禁軍精練天下無敵
未知外省兵復如此當億萬年永享昇平

賜宴遣歸五十四年

詔徵所部兵二千防禦策妄阿刺布坦以棟囉布及貝勒
幹珠爾領之五十七年卒子四長薩克巴襲郡王
次衮桑次衮楚克均授台吉次喇什班珠爾亦襲
郡王

四次襲薩克巴棟囉布長子康熙五十七年襲扎

薩克多羅郡王五十九年卒子扎木揚幼

命其弟喇什班珠爾襲

五次襲喇什班珠爾棟囉布第四子康熙五十九年
襲扎薩克多羅郡王雍正六年卒兄子扎木揚襲
喇什班珠爾子色布騰諾爾布封輔國公自有傳
六次襲扎木揚薩克巴長子雍正六年襲扎薩克
多羅郡王九年大軍勦噶爾丹策凌調其部及四
子部落兵駐防烏喇特西界

命扎木揚偕四子部落郡王阿喇布坦多爾濟領之尋
命入覲以扎木揚為副將軍移駐固爾班賽堪

賜銀千十年以赴調兵不堪用削郡王爵降授貝勒仍赴

軍効力十三年撤還乾隆元年

命復原爵二十三年卒

詔其長子車稜多爾濟襲郡王次子衮扎布多爾濟授
公品級四十七年以衮扎布多爾濟牟利擾衆

命削爵禁之

七次襲車稜多爾濟扎木揚長子乾隆二十三年
襲扎薩克多羅郡王尋授盟長

賜三眼孔雀銅

命乾清門行走四十五年卒子達爾瑪咱第襲

八次襲達爾瑪咱第車稜多爾濟長子乾隆四十
六年襲扎薩克多羅郡王

附輔國公色布騰諾爾布列傳

色布騰諾爾布郡王喇什班珠爾長子喇什班珠

爾襲兄薩克巴郡王爵雍正六年喇什班珠爾卒
以薩克巴子扎木揚襲郡王色布騰諾爾布別封
輔國公乾隆二十二年色布騰諾爾布卒子扎木
巴勒多爾濟襲

一次襲扎木巴勒多爾濟色布騰諾爾布長子乾
隆二十二年襲輔國公二十七年卒子薩木丕勒
襲

二次襲薩木丕勒扎木巴勒多爾濟長子乾隆二

十七年襲輔國公二十九年卒弟丹津多爾濟襲
三次襲丹津多爾濟扎木巴勒多爾濟次子乾隆
二十九年襲輔國公

欽定外藩蒙古回部王公表傳卷之四十三

欽定四庫全書

欽定外藩蒙古回部王公表傳卷之四十四

傳第二十八

扎薩克多羅貝勒善丹列傳

善丹鄂爾多斯部人姓博爾濟吉特郡王額璘臣
從子父塔爾丹號琿台吉早卒崇德二年善丹遣
使哈爾班貢駝馬六年來朝順治七年以不附所
部大扎木素等叛

詔封扎薩克多羅貝勒世襲罔替康熙二年卒子索諾木

襲

一次襲索諾木善丹長子康熙二年襲扎薩克多
羅貝勒十三年冬

詔督兵二千五百入邊協勦叛鎮王輔臣尋以天寒雪甚
諭暫停進軍十四年

詔由所居地設驛馳奏軍務會寧夏總兵陳福檄入邊索
諾木遣子松喇布及台吉拉特納烏魯雅克等會

陳福軍於興武營圍花馬池叛賊朱龍糾衆赴援
城內賊亦啟北關出犯我軍分兩路擊之賊援遁
城內賊出降花馬池平進圍定邊撫定下馬關十
六年

詔嘉其功晉多羅郡王二十一年卒子松喇布襲貝勒

二次襲松喇布索諾木長子初襲二等台吉康熙
十四年從勦花馬池有功十五年

諭曰鄂爾多斯台吉等率兵入邊勤勞効力殊為可嘉其

現在軍前台吉等各加一級松喇布因晉一等台吉二十一年襲扎薩克多羅貝勒二十二年以牧地狹請移蘇海阿嚕

遣侍郎阿喇尼勘奏距定邊興武營邊或五六十里或百里非邊內可耕地因

允其移牧二十七年噶爾丹侵喀爾喀

詔松喇布督兵二千防汎以貝勒固魯斯希布台吉阿爾賽副之三十一一年復以兵三千偵防噶爾丹三十

五年請運糧効力

命偕侍衛巴楚喀董其事尋奏察罕托輝外地多獸乞免
獵禁並請由黃河造船渡

允之三十六年三月奏向市橫城距牧遠乞近市定邊花
馬池平羅城又邊內民有願出邊赴車林塔拉蘇
海阿嚕諸地耕者乞勿禁

命大臣會議從所請復

諭有不便即罷之閏三月

上駐蹕寧夏

諭議政大臣曰輓運糧餉及隨營安站事宜朕與松喇布言之彼稱率兵三千可以集事著自白塔外設站會商而行尋

命松喇布偕郡王棟囉布貝勒固魯斯希布旺舒克貝子根都什轄布公都稜等分六隊隨大臣督運三十七年叙功晉多羅郡王四十八年春朝正卒子幹珠爾襲貝勒

三次襲斡珠爾松喇布長子康熙四十八年襲扎薩克多羅貝勒五十四年偕郡王棟囉布督所部兵二千防禦策妄阿喇布坦五十七年卒阿爾台軍子諾依囉布扎木素襲

四次襲諾依囉布扎木素斡珠爾長子康熙五十七年襲扎薩克多羅貝勒雍正十一年所部赴調兵不堪用諸扎薩克多降爵獨諾依囉布扎木素奉

恩免乾隆十二年卒子棟囉布扎木素襲

五次襲棟囉布扎木素諾依囉布扎木素長子乾隆十二年襲扎薩克多羅貝勒二十一年獻駝馬助勦厄魯特叛賊得紀錄二十四年復獻駝三百馬二百納寧夏軍

優賚之三十二年

賜郡王品級三十八年卒子棟囉布色稜襲貝勒

六次襲棟囉布色稜棟囉布扎木素長子乾隆三

十八年襲扎薩克多羅貝勒

扎薩克鎮國公小扎木素列傳

今襲國山貝子

小扎木素鄂爾多斯部人姓博爾濟吉特郡王額
璘臣從子父阿津泰號墨爾根阿海所部有大扎
木素者故稱小扎木素以別之崇德三年遣使額
塞爾貝來朝七年隨額璘臣及大扎木素貢駝馬
順治六年大扎木素叛小扎木素不附逆

詔封扎薩克鎮國公世襲罔替康熙九年卒子索諾木襲

一次襲索諾木小扎木素長子康熙九年襲扎薩克鎮國公十一年卒子都稜襲

二次襲都稜索諾木長子康熙十一年襲扎薩克鎮國公十四年從大軍復定邊花馬池諸城三十六年從征噶爾丹督兵護糧運三十七年叙功晉固山貝子四十六年卒子三長色稜喇什次倫布次色稜納木扎勒相繼襲

三次襲色稜喇什都稜長子康熙四十六年襲扎

薩克固山貝子五十一年卒弟倫布襲

四次襲倫布都稜次子康熙五十一年襲扎薩克
固山貝子五十六年卒弟色稜納木扎勒襲

五次襲色稜納木扎勒都稜第三子康熙五十六
年襲扎薩克固山貝子尋卒子齊旺班珠爾襲

六次襲齊旺班珠爾色稜納木扎勒長子康熙五
十六年襲扎薩克固山貝子雍正十一年以赴調
兵不堪用削貝子爵降輔國公尋別選所部兵協

勦復獻駝馬助軍

諭曰齊旺班珠爾深悔從前軍營疎忽之咎効力勤勞著
加恩復固山貝子乾隆十九年議勦達瓦齊齊旺班珠
爾以駝馬牛羊贍軍

詔嘉其盡心奮勉晉多羅貝勒

賜三眼孔雀翎三十七年卒子旺沁齊默特多爾濟先
卒孫喇什達爾濟襲貝子

七次襲喇什達爾濟齊旺班珠爾孫乾隆三十七

年襲扎薩克固山貝子四十九年

詔世襲罔替

扎薩克固山貝子沙克扎列傳

沙克扎鄂爾多斯部人姓博爾濟吉特郡王額璘
臣從弟父薩濟號楚琥爾早卒崇德二年沙克扎
遣使納延泰巴圖貢駝馬六年隨額璘臣來朝順
治七年以不附所部大扎木素等叛

詔封扎薩克固山貝子世襲罔替十四年卒子固魯斯希

布襲

一次襲固魯斯希布沙克扎長子順治十四年襲
扎薩克固山貝子康熙十四年叛鎮王輔臣黨孫
崇雅陷神木延綏總兵許占魁檄協勦固魯斯希
布遣屬善丹等馳入邊且語諸台吉云我等宜不
惜身命報効

朝廷因督兵會官軍鏖擊賊神木遂復十九年叙功
晉多羅貝勒二十七年噶爾丹侵喀爾喀

詔偕貝勒松喇布以兵二千防汛三十六年從征噶爾丹
督兵護糧運四十三年卒子喇什扎木素襲貝子
二次襲喇什扎木素固魯斯布布第五子康熙四
十三年襲扎薩克固山貝子五十一年卒子納木
扎勒色稜襲

三次襲納木扎勒色稜喇什扎木素長子康熙五
十二年襲扎薩克固山貝子雍正十年遣兵隨大
軍勦噶爾丹策凌十一年

詔嘉其赴調兵堪用無逃者又獻牲畜助

優賚銀幣乾隆十九年議勦達瓦齊納木扎勒色稜復獻

馬助軍得紀錄二十六年卒子七長雲敦錫喇布

授台吉次拉旺巴勒丹色稜襲貝子次拉旺袞楚

克色稜授台吉次丹巴達爾濟亦襲貝子次敦多

布喇布坦次巴爾珠爾烏爾占次喇克納什達均

授台吉

四次襲拉旺巴勒丹色稜納木扎勒色稜次子乾

隆二十六年襲扎薩克固山貝子三十年卒無嗣
弟丹巴達爾濟襲

五次襲丹巴達爾濟納木扎勒色後第四子乾隆
三十年襲扎薩克固山貝子

扎薩克固山貝子額琳沁列傳

額琳沁鄂爾多斯人姓博爾濟吉特郡王額璘臣
從子父布達岱號巴圖爾楚琥爾崇德二年遣使
恩德貝貢駝馬尋卒順治六年以額琳沁不附所

部大扎木素等叛

詔封扎薩克固山貝子世襲罔替十八年卒無嗣從子達

爾扎襲

一次襲達爾扎額琳沁從子順治十八年襲扎薩克固山貝子康熙十三年冬以寧夏總兵陳福徵兵勦叛鎮王輔臣駐邊聽調十四年春遣台吉烏什巴等馳入邊至巴雅穆瑚寨隘口迎擊賊衆達爾扎自督兵與榆林副將孫維統克復隴州進靖

二堡尋圍定邊擊叛賊朱龍於沙家澗擒之又偕
台吉固魯撫定磚井安邊城十六年

詔嘉其功晉多羅貝勒三十三年卒理藩院議達爾扎晉
封貝勒非世爵其子應仍襲貝子

諭曰達爾扎誠心効力奮勇行間疾篤時集其部衆於朕
遣往御醫前強起望闕叩首徧囑之曰朝廷憐惜我等
甚深汝等善報洪恩無負我意忠義可嘉其子旺舒克
著仍襲多羅貝勒

二次襲旺舒克達爾扎長子康熙三十三年襲扎薩克多羅貝勒三十六年從征噶爾丹督兵護糧運三十七年卒無嗣弟達什喇布坦襲

三次襲達什喇布坦達爾扎第三子康熙三十七年襲扎薩克多羅貝勒尋授盟長雍正十年以赴調兵不堪用削貝勒爵降貝子十二年卒理藩院議降襲公爵

諭曰爾等因達什喇布坦怠忽兵事議令其子喇什色稜

降襲鎮國公但喇什色稜深知父罪尚能竭力辦事著
加恩仍襲固山貝子

四次襲喇什色稜達什喇布坦長子雍正十二年
襲扎薩克固山貝子乾隆十九年議勦達瓦齊喇
什色稜獻馬助軍得紀錄三十八年卒子沙克都
爾扎布襲

五次襲沙克都爾扎布喇什色稜長子乾隆三十
八年襲扎薩克固山貝子四十三年卒子布延泰

襲

六次襲布延泰沙克都爾扎布長子乾隆四十三年襲扎薩克固山貝子

扎薩克固山貝子色稜列傳

色稜鄂爾多斯部人姓博爾濟吉特郡王額璘臣從子父固魯號岱青天聰九年遣使囊素來朝崇德二年遣德勒圖貢駝馬三年來朝五年遣巴木特貢綵幣尋卒順治六年以色稜不附所部大扎

木素等叛

詔封扎薩克固山貝子世襲罔替康熙十四年遣屬扎木素等赴榆林協勦叛賊朱龍敗之克歸德堡色稜尋自督兵會官軍勦賊復神木城

詔嘉其功

諭優叙十五年卒子衮布喇什襲

一次襲衮布喇什色稜長子康熙十六年襲扎薩克固山貝子十九年追叙色稜勦賊功晉衮布喇

什多羅貝勒爵二十三年卒子根都什轄布襲貝子

二次襲根都什轄布袞布喇什長子康熙二十四年襲扎薩克固山貝子三十六年從征噶爾丹督兵護糧運四十八年卒子羅卜藏襲

三次襲羅卜藏根都什轄布長子康熙四十八年襲扎薩克固山貝子雍正十一年以赴調兵不堪用削貝子爵降輔國公尋別選所部兵協勦復獻

駝馬助軍

詔復固山貝子十三年請給倉糧濟乏食衆

詔如所請乾隆五年卒子納木扎勒多爾濟襲

四次襲納木扎勒多爾濟羅卜藏長子乾隆五年

襲扎薩克固山貝子四十二年卒子色旺喇什襲

五次襲色旺喇什納木扎勒多爾濟次子乾隆四

十二年襲扎薩克固山貝子

扎薩克一等台吉定咱喇什列傳

定咱喇什鄂爾多斯部人姓博爾濟吉特郡王額
璘臣從曾孫其曾祖烏巴什號都噶爾岱青隨額
璘臣內附順治元年從英親王阿濟格勦流賊李
自成後同部台吉大扎木素等叛烏巴什不從逆
授二等台吉康熙十四年從大軍勦平花馬池定
邊城諸賊晉一等台吉尋卒子索諾木多爾濟孫
桑忠多爾濟皆襲三等台吉定咱喇什即桑忠多
爾濟長子康熙五十七年以三等台吉從大軍防

禦策妄阿喇布坦雍正二年從勦青海叛賊羅卜藏丹津八年大軍將勦噶爾丹策凌定咱喇什率兵千赴西路軍謀準噶爾賊襲科舍圖汎偕阿拉善台吉袞布等馳擊之多斬馘九年

諭曰準噶爾賊衆乘我西路軍營不備來犯汎界盜竊駝馬定咱喇什等奮力擊敗賊衆可謂見義能勇致身効力其晉爵一等台吉以示獎勵乾隆元年議族屬繁增

旗一

詔定咱喇什領扎薩克九年卒子衮布喇什襲

一次襲衮布喇什定咱喇什長子乾隆九年襲扎

薩克一等台吉十九年議勦達瓦齊衮布喇什獻

馬助軍得紀錄二十七年卒子旺扎勒車布登多

爾濟襲

二次襲旺扎勒車布登多爾濟衮布喇什長子乾

隆二十七年襲扎薩克一等台吉四十九年

詔世襲罔替

欽定外藩蒙古回部王公表傳卷之四十四

欽定四庫全書

史部

欽定外藩蒙古回部王公表傳卷四十五至五十二

主事_臣陳若霖覆校

總校官編修_臣倉聖脉

欽定四庫全書

欽定外藩蒙古回部王公表傳卷之四十五

傳第二十九

喀爾喀土謝圖汗部總傳

土謝圖汗部稱喀爾喀後路至

京師二千八百餘里東界肯特山西界翁吉河南界
瀚海北界楚庫河元太祖十五世孫達延車臣汗
游牧瀚海北杭愛山界子十一格呼森扎扎賚爾

理台吉其季也兄圖魯博羅特巴爾蘇博羅特阿爾楚博羅特鄂齊爾博羅特等由瀚海南徙近邊為內扎薩克教漢柰曼巴林扎魯特克什克騰烏珠穆沁浩齊特蘇尼特鄂爾多斯九部祖詳各傳獨所部號喀爾喀留故土析衆萬餘為七旗授子七人領之分左右翼其掌左翼者為第三子諾諾和及第五子阿敏都喇勒諾諾和號偉徵諾顏子五長阿巴岱號鄂齊賴賽因汗次阿布和號墨爾

根諾顏徙牧圖拉河界今土謝圖汗部二十扎薩
克皆其裔阿巴岱子二長錫布固泰號鄂爾齋圖
琿台吉為扎薩克貝子錫布推哈坦巴圖魯輔國
公巴海台吉車後扎布青多爾濟四旗祖次額列
克號墨爾根汗為土謝圖汗察琿多爾濟扎薩克
郡王噶爾旦多爾濟貝勒西第什哩車木楚克納
木扎勒輔國公車後巴勒三達克多爾濟台吉巴
朗班珠爾多爾濟辰王勒多爾濟朋素克喇布坦

十旗祖阿布和子三長昂噶海繼墨爾根諾顏號
為扎薩克郡王固魯什喜台吉車稜開木楚克成
衮扎布遜篤布五旗祖次喇瑚里號達賴諾顏為
扎薩克台吉禮塔爾一旗祖次圖蒙肯號昆都倫
諾顏裔詳喀爾喀右翼部總傳初喀爾喀無汗號
自阿巴岱赴唐古特謁達賴喇嘛迎經典歸為衆
所服以汗稱子額列克繼之號墨爾根汗額列克
子三長衮布始號土謝圖汗與其族車臣汗碩壘

扎薩克圖汗素巴第同時稱三汗崇德二年衮布
偕碩壘上書通好三年遣使貢駝馬貂皮雕翎及
俄羅斯烏鎗

命喀爾喀三汗歲獻白駝一白馬八謂之九白之貢以為
常順治三年蘇尼特部長騰機思叛逃豫親王多
鐸率師追剿至扎濟布喇克衮布遣喇瑚里等以
兵二萬援騰機思為大軍所敗棄駝馬千餘竄額
爾克楚琥爾者衮布族也復私掠巴林部人畜

詔使責之會所部額爾德尼陀音貢馬至

敕歸諭其汗等擒獻騰機思并以所掠歸已林五年騰機思降袞布等表乞罪

詔各遣子弟來朝不從八年以其部不歸已林人畜僅獻駝十馬百入謝

嚴諭詰責十年

命侍郎畢哩克圖往察已林被掠人畜袞布等匿不盡給會喇瑚里之子台吉本塔爾攜衆來歸封扎薩克

親王駐牧張家口外塔魯渾河因詭言已林人畜
本塔爾盡攜往應就彼取並乞遣本塔爾等還

諭曰爾等不遵旨遣子弟來朝不進本年九白常貢不盡
償已林人畜冒此三罪反請遣還來歸之人是何理耶
今即各遣子弟來朝盡償已林人畜朕亦弗使本塔爾
等還爾等自擇之是年秋遣使補貢九白至張家口

詔勿納十二年夏土謝圖汗察琿多爾濟繼其父袞布為
左翼長約同族墨爾根諾顏達爾漢諾顏丹津喇

嘛等表遣子弟來朝

諭曰爾等遵旨服罪朕不咎既往其應歸已林人畜缺少之數悉從寬免嗣後逃人至此當即遣還冬復遣使乞

盟

許之

賜盟於宗人府是年設喀爾喀八扎薩克仍分左右翼

命土謝圖汗及墨爾根諾顏各領左翼扎薩克之一十五

年

遣大臣齎服物賚之

敕曰朕觀爾等審知天命誠心誓好凡一詔下靡不敬從
自茲以往其益勵忠貞仰膺寵眷以慰朕懷柔至意果
克恪慎罔懈以獲天眷以承國恩奕世永享太平之福
矣康熙二十三年以其部與右翼扎薩克圖汗成袞構
釁

命阿齊圖格隆偕達賴喇嘛使諭解之二十六年察琿多
爾濟偕車臣汗諾爾布等疏上

尊號

諭曰爾等恪恭敬順具見悃忱但宜仰體朕一視同仁無分中外至意自今以後親睦雍和毋相侵擾永享安樂庶慰朕懷勝於受尊號也二十七年厄魯特噶爾丹掠喀爾喀察琿多爾濟拒弗勝偕族弟固魯什喜等攜屬來歸

詔附牧蘇尼特諸部界發歸化城倉米贍之二十八年復遣內大臣伯費揚古往賑

諭廷臣曰朕聞土謝圖汗屬衆有乏食致斃者深為軫念
費揚古採買牲畜尚需時日著速發張家口倉米運往
散給計支一月牲畜繼之則衆命可活矣二十九年
詔察所屬貧戶遣就食張家口三十年春

上以察琿多爾濟來歸後車臣汗烏默客扎薩克圖汗成
衮子策旺扎布踵至喀爾喀全部內附封爵官制
宜更定且降衆數十萬錯處應示法制俾遵守將
幸多倫諾爾行會閱禮

詔理藩院檄察琿多爾濟等隨四十九旗扎薩克先集以
族尚書馬齊奉

命往議禮定賞格九等坐次七行以察琿多爾濟為之首

夏四月

駕至喀爾喀汗濟農諾顏台吉等三十五人以次朝見

諭曰爾等以兄弟之親自相侵奪啟釁召侮致全部潰散
其時若令四十九旗扎薩克將爾人衆收取爾部早已
散亡朕好生之心出於天性不忍視爾滅亡置附界內

給予贍養自古以來未有如朕拯救愛養若此者也用是親臨教誨普加賞賚會同之時見爾等傾心感戴特沛恩施俾與四十九旗同列以示一體撫育罔分中外爾等其知朕意尋

命改所部濟農諾顏舊號封王貝勒台吉有差各授扎薩克編佐領仍留察琿多爾濟汗號統其衆自是始稱土謝圖汗部三十一年改喀爾喀左右翼為三路土謝圖汗稱北路三十五年四月

上親征噶爾丹所部諸扎薩克奏臣等被噶爾丹掠全部

潰賴

聖主天威正其罪請從征効力

諭曰朕為中外萬國主凡小國危亡罔弗加之撫恤况爾等朝貢有年猝被刼掠百姓流離失所朕以此故躬統大軍除暴安良我朝用兵以來所向無敵此行朕必成功為爾等雪恥捷音指日可至無庸盡行隨往五月大軍既破噶爾丹於昭莫多凱旋

大賚之明年噶爾丹竄死朔漠平

詔所部歸圖拉河游牧四十年

賜牧產贍給五十四年以準噶爾策妄阿喇布坦煽衆喀

爾喀

命散秩大臣祁里德率大軍赴推河偵禦廷議屯田鄂爾

坤圖拉裕軍食

詔詢土謝圖汗旺扎勒多爾濟勘奏所部可耕地因言附
近鄂爾坤圖拉之蘇呼圖喀喇烏蘇明愛察罕格

爾庫爾奇呼扎布堪河察罕廈爾布拉罕口烏蘭
固木及額爾德尼昭十餘處俱可耕

命公傳爾丹選善耕人往屯種是年

詔簡所部兵駐防阿爾台雍正二年移駐察罕廈爾及扎
克拜達哩克三年以增設賽因諾顏部定所部為
喀爾喀後路四年旺扎勒多爾濟等因額爾德尼
昭乏相宜穀種遣人購之俄羅斯並請助屯田兵
糧

諭廷臣曰前議屯田時曾有奏言喀爾喀未必踴躍從事者朕思此舉正為伊等計及久遠豈有反不樂從之理今果感恩抒誠與朕意相符殊可嘉尚著交理藩院議叙尋議各予紀錄并賚幣有差

詔如議五年以庫倫及恰克圖為所部與俄羅斯互市地詔非市期毋許俄羅斯踰楚庫河界九年選兵隨大軍剿噶爾丹策凌十三年撤大軍還

詔所部兵留駐鄂爾坤及烏里雅蘇台乾隆元年復選兵

赴鄂爾坤防秋六年

命叅贊大臣都統塔爾瑪善察閱防秋兵於烏克圖爾
濟爾哈朗十三年選駝五百運歸化城米赴塔密
爾軍營十七年增駐防鄂爾坤兵十九年移駐鄂
爾海喀喇烏蘇二十年隨大軍剿達瓦齊於伊犁
二十三年所部被災乏食

詔發銀萬兩賑之先是土謝圖汗部編佐領積三十七
旗以分設賽因諾顏部析二十一旗隸之留十六

旗仍隸土謝圖汗部尋增四旗扎薩克凡二十盟
於汗阿林設正副盟長各一副將軍叅贊各一爵
二十有一土謝圖汗一扎薩克和碩親王一由貝
勒晉襲附公品級一等台吉一扎薩克多羅郡王
二一由貝勒晉襲扎薩克固山貝子二一由郡王
降襲一由扎薩克台吉晉襲扎薩克輔國公六三
由扎薩克台吉晉襲扎薩克一等台吉八一由貝
子降襲

欽定外藩蒙古回部王公表傳卷之四十五

欽定四庫全書

欽定外藩蒙古回部王公表傳卷之四十六

傳第三十

土謝圖汗察琿多爾濟列傳

察琿多爾濟喀爾喀部人姓博爾濟吉特元太祖
裔格呼森扎扎賚爾琿台吉之五世孫父衮布為
喀爾喀三汗之一號土謝圖汗子三長即察琿多
爾濟嗣稱汗復受鄂齊賴賽因汗號於達賴喇嘛

與弟哲卜尊丹巴呼圖克圖西第什哩駐牧圖拉河之南額爾德尼昭康熙十六年厄魯特部鄂齊爾圖汗為噶爾丹所襲察琿多爾濟以兵助會鄂齊爾圖汗被戕因與噶爾丹構難遣台吉色稜達什引兵三百劫其貢使事

聞

諭罷兵誓好二十一年

命內大臣費揚古等往賚冠服佩帶弓刀器幣二十二年

遣長子噶爾旦多爾濟入謝二十四年遣次子多爾濟額爾德尼阿海來朝二十五年以同族扎薩克圖汗成袞劾其收匿逃衆

詔理藩院尚書阿喇尼約達賴喇嘛使噶爾旦西勒圖召察琿多爾濟與成袞盟於庫掄伯勒齊爾并

諭哲卜尊丹巴呼圖克圖勸盡遣所收逃衆歸成袞令成袞亦如之會成袞卒子沙喇新襲汗察琿多爾濟僅歸逃衆之半明年疏請給印

詔不允先是庫掄伯勒齊爾之盟哲卜尊丹巴呼圖克圖
與噶爾旦西勒圖抗禮噶爾丹聞之怒其不尊達
賴喇嘛也又怨察琿多爾濟嘗助鄂齊爾圖汗攻
己且以其女妻鄂齊爾圖汗孫羅卜藏衮布阿喇
布坦貽書詰責揚言率衆來攻察琿多爾濟奏請
往擊

詔守前約勿復與噶爾丹構釁是年秋扎薩克圖汗沙喇
暨台吉德克德赫卓特巴等迎附噶爾丹察琿多

爾濟追擊之具以

聞

命傳諭達賴喇嘛召還噶爾丹而先

遣學士拜哩等諭察琿多爾濟罷兵比至察琿多爾濟已

執殺沙喇及德克德赫復偕其壻羅卜藏衮布阿

喇布坦追斬噶爾丹之弟多爾濟扎卜進屯喀喇

額爾奇克察罕額爾奇克地與噶爾丹相拒二十

七年春噶爾丹引衆三萬由杭愛山入掠察琿多

爾濟暨子噶爾旦多爾濟禦之於特穆爾不克走
翁吉噶爾丹偵哲卜尊丹已呼圖克圖居額爾德
尼昭遂分兵越圖拉河東趨克魯倫掠車臣汗牧
地別遣將丹津鄂木布由喀喇卓爾渾攻額爾德
尼昭哲卜尊丹已呼圖克圖攜察琿多爾濟孛避
居額古穆爾聞車臣汗牧被掠因南走蘇尼特部
界馳告急

詔發阿巴哈納爾部兵沿瀚海防禦之秋噶爾丹自克魯

倫還掠圖拉察琿多爾濟悉衆由尼列圖至鄂羅
會諾爾鑾戰三日衆潰遂自察袞庫勒踰瀚海會
哲卜尊丹巴呼圖克圖籲請內附噶爾丹上書訴
其棄好興兵妄殺無辜請勿納

上弗許

命入居蘇尼特界內鄂琳圖尋

諭與噶爾丹會盟議和二十八年察琿多爾濟疏乞免

諭廷臣曰朕統御天下窮者救絕者繼離散者使之完聚

交惡者使之和協恒欲中外生靈羣底安樂察琿多爾
濟與噶爾丹交惡朕屢遣使諭止不肯罷兵以致屬衆
潰散窮困來歸朕因其昔日職貢維謹憐而納之留置
邊境頒給米粟但念兵端未息生民何日可安是以敕
令議和今伊既以會盟為難朕亦不强其諭使知朕意
是年同族台吉諾木齊岱青子齊巴克額爾克鄂
齊爾子達什敦多卜等相繼攜屬來歸

命轄之三十年夏

上幸多倫諾爾撫輯衆喀爾喀以察琿多爾濟前擅殺沙喇等

詔所司追議罪先是

上未至

遣內大臣索額圖諭察琿多爾濟據實陳情至是以所具疏不引罪反諉咎沙喇及德克德赫議削汗號

上念其率衆歸誠

命宥之仍留土謝圖汗號

召覲行幄

溫旨慰諭并

詢知有子七

詔各加封授察琿多爾濟奏臣等垂斃軀賴

聖主鴻慈得更生願長此安居樂業共享太平翌日

召所部三十五人侍宴

賜酒徧飲之

諭舒懷共語勿過謹會大閱扈

駕從觀以

御用帳幕

賜之是役也察琿多爾濟感

恩隆恨來歸晚及

上旋蹕伏地涕零依戀不已

諭曰朕欲攜爾至京師但路遙天暑恐生長邊外之人不
習內地水土俟他年朕臨幸邊塞時即召爾等相見秋
理藩院議土謝圖汗既留故號請令仍貢九白

上憫其新附牧產未裕

詔寬其期三年尋疏請給地耕作以贍生計

許之冬率第四子車稜已勒來朝三十一年秋

上幸塞外

駐蹕舒琥爾景爾察琿多爾濟迎

覲行幄冬遣第七子齊旺多爾濟來朝均

優賚之盖自察琿多爾濟攜族附蒙

恩納內地噶爾丹以不得逞私忿屢請遂還故土

上惡其狡因

決策親征三十五年

駕由克魯倫視師大敗噶爾丹於昭莫多凱旋察琿多爾
濟偕哲卜尊丹巴呼圖克圖等迎

覲賀捷

厚賚遣歸三十六年來朝以土爾扈特台吉恭格鄂欽車
布登三都布等為祖母弟阿玉奇汗族屬代請入
貢

報可尋

賜牧圖拉河東喀里雅爾山界其地居額爾德尼昭東北
三十八年卒子七長噶爾旦多爾濟封郡王先卒
別有傳子敦多布多爾濟襲汗爵次多爾濟額爾
德尼阿海後襲汗次班第達額爾德尼納木扎勒
授扎薩克附見扎薩克台吉班珠爾多爾濟傳次
車稜巴勒封輔國公別有傳次袞楚克多爾濟次
桑丕勒多爾濟次齊旺多爾濟均授一等台吉

一次襲敦多布多爾濟察琿多爾濟孫初襲其父
噶爾旦多爾濟扎薩克郡王爵互見彼傳康熙三
十九年晉親王尋襲土謝圖汗四十一年以溺職
降襲郡王其汗號以多爾濟額爾德尼阿海襲
二次襲多爾濟額爾德尼阿海察琿多爾濟次子
康熙四十一年襲土謝圖汗五十年卒子旺扎勒
多爾濟襲

三次襲旺扎勒多爾濟多爾濟額爾德尼阿海長

子康熙五十年襲土謝圖汗五十一年來朝五十

四年

詔給軍符防禦策妄阿喇布坦六十年

允哲卜尊丹巴呼圖克圖請

賜旺扎勒多爾濟印文曰鄂齊賴巴圖土謝圖汗

命督理俄羅斯邊境事雍正四年請助給屯田兵糧

諭獎之五年授盟長十年卒子四長延丕勒多爾濟次敦

丹多爾濟均襲汗次琳丹多爾濟授台吉次敦多

布多爾濟亦襲汗

四次襲敦丹多爾濟旺扎勒多爾濟次子雍正十年襲土謝圖汗十一年

賜親王俸及銀幣先是哲卜尊丹已呼圖克圖示寂後其弟子襲故號代演黃教由額爾德尼昭移居車掄
乾隆六年

詔敦丹多爾濟駐守其地護視之八年以不勸阻哲卜尊丹已呼圖克圖擅赴額爾德尼昭

諭責之是年卒弟敦多布多爾濟襲

五次襲敦多布多爾濟旺扎勒多爾濟第四子與
前降襲郡王之敦多布多爾濟同名乾隆九年襲

土謝圖汗十年卒兄延丕勒多爾濟襲

六次襲延丕勒多爾濟旺扎勒多爾濟長子乾隆
十一年襲土謝圖汗十三年授盟長及所部副將

軍

命偕哲卜尊丹巴呼圖克圖督理俄羅斯邊境事二十

一年秋以病罷副將軍及盟長職冬理藩院追論其縱子旺沁多爾濟棄汎私歸罪議削汗爵

諭曰當衆喀爾喀為和託輝特逆賊青衮咱卜煽惑之時延丕勒多爾濟不能約束所屬諭以大義復縱子旺沁多爾濟擅歸游牧本應即照院議但念前已將盟長副將軍革退著加恩免削汗爵旺沁多爾濟革台吉職發往軍臺効力贖罪二十三年延丕勒多爾濟卒從子車登多爾濟襲

七次襲車登多爾濟敦丹多爾濟次子乾隆二十四年襲土謝圖汗三十年授所部副將軍三十一

年

命乾清門行走

賜三眼孔雀翎及黃馬褂三十四年

命御前行走

賜紫轡三十七年復

賜金黃轡四十二年授盟長四十六年

詔喀爾喀世爵視內扎薩克四十九旗例理藩院遵
旨議首以土謝圖汗請

諭曰土謝圖汗車登多爾濟之始祖察琿多爾濟來歸
時仍留汗號嗣是子孫承襲將及百年著加恩世襲
罔替四十八年以私用烏拉票罪

詔黜

御前行走尋議削爵

上弗忍諭減等再議因議留汗爵永停給俸削盟長奪

三眼翎及黃馬褂

詔削盟長罰俸五年勿奪翎褂尋因未來謝

恩

諭并奪之四十九年五月迎

覲避暑山莊復

賜孔雀翎七月

命乾清門行走八月復

賜黃馬褂

欽定四庫全書



欽定外藩蒙古回部王公表傳

欽定外藩蒙古回部王公表傳卷之四十六

欽定四庫全書

欽定外藩蒙古回部王公表傳卷之四十七

傳第三十一

扎薩克多羅郡王固魯什喜列傳

今襲固山貝子

固魯什喜喀爾喀部人姓博爾濟吉特土謝圖汗察琿多爾濟族弟號墨爾根諾顏祖昂噶海子三長巴特瑪什號墨爾根楚琥爾子扎薩克台吉車稜別有傳次索諾木號岱青琿台吉即固魯什喜

父次阿爾占號墨爾根岱青子扎薩克台吉開木
楚克別有傳自固魯什喜上皆駐牧庫庫博羅圖
相繼以墨爾根號掌喀爾喀左翼一旗為所部八
扎薩克之一康熙二十一年

命內大臣舒世泰等往賚冠服佩帶弓刀器幣二十二年
固魯什喜遣使謝並乞定游牧界

詔母越噶爾拜瀚海而南二十七年內大臣索額圖等率
兵赴色楞額河與俄羅斯議界道出喀爾喀

詔固魯什喜與土謝圖汗察琿多爾濟弟哲卜尊丹巴呼
圖克圖徧諭所部安堵毋恐是年噶爾丹掠喀爾
喀固魯什喜偕弟達什額爾克岱青諾顏呼圖克
圖等來歸

賜牧四子部落界外洪果爾二十八年

諭曰墨爾根諾顏固魯什喜係喀爾喀舊扎薩克職貢有
年今因所部潰亂即率衆內附洵不愧墨爾根號朕甚
嘉悅著由諾顏授為濟農居三汗之次尋以固魯什喜

與諾顏呼圖克圖爭產互訐

遣官諭解二十九年

命選兵隨侍郎溫達赴圖拉河偵噶爾丹三十年正月噶

爾丹謀由俄僕掠固魯什喜屬

諭徙牧近內汛四月迎

覲多倫諾爾

詔封多羅郡王仍兼扎薩克十月備兵禦厄魯特已圖爾

額爾克濟農和囉理尋和囉理乞降罷兵三十一年

賜粟賑所屬貧戶三十四年偵噶爾丹復謀掠移牧蘇尼特之甌爾地

詔侍衛阿南達率兵護之三十五年噶爾丹為大軍所敗其族台吉阿喇布坦謀乞降未決固魯什喜遣屬阿玉什偕扎薩克圖汗部親王策旺扎布長史瑪尼圖諭令速降三十六年

遣官往徒和託輝特貝勒根敦所獲厄魯特降衆

詔固魯什喜以駝馬糗糒資遣四十四年卒子二長多爾

濟阿喇布坦襲郡王次成衮扎布授扎薩克台吉
別有傳

一次襲多爾濟阿喇布坦固魯什喜長子康熙四
十四年襲扎薩克多羅郡王雍正六年以病罷子
敏珠爾多爾濟襲

二次襲敏珠爾多爾濟多爾濟阿喇布坦長子雍
正六年襲扎薩克多羅郡王九年以奉軍檄不即
至為靖邊大將軍順承親王錫保所劾議削

諭曰敏珠爾多爾濟之祖固魯什喜在喀爾喀部中極為
恭順遇噶爾丹之亂倡衆先歸厥功最著此次敏珠爾
多爾濟奉調遲誤或有別故著來京面詢降旨十年遵
諭至以患病自陳

諭曰軍前退縮之罪例不容寬但敏珠爾多爾濟因病未
能率兵前赴軍營以致伊旗派出兵丁半被賊人截回
念伊祖固魯什喜功免其削爵別選賢能台吉馳往代
轄兵丁俟伊病痊後仍赴軍營効力贖罪乾隆五年卒

子車稜拜都布襲

三次襲車稜拜都布敏珠爾多爾濟長子乾隆五
年襲扎薩克多羅郡王十九年赴烏里雅蘇台軍
營二十年隨大軍進剿準噶爾達瓦齊就擒軍還
車稜拜都布隨定北將軍班第留駐伊犁阿睦爾
撒納叛賊黨克什木巴蘇泰都噶爾等擾伊犁車
稜拜都布偕車臣汗部貝勒旺沁扎布擊賊弗克
死之

賜卹子二長丹忠多爾濟次齊巴克扎布相繼襲

四次襲丹忠多爾濟車稜拜都布長子乾隆二十
年襲扎薩克多羅郡王三十五年扈

駕木蘭行圍

賜三眼孔雀翎三十七年卒無嗣弟齊巴克扎布襲

五次襲齊巴克扎布車稜拜都布次子乾隆三十
七年襲扎薩克多羅郡王四十一年扈

駕木蘭行圍

賜三眼孔雀翎四十四年授副盟長兼署所部副將軍
四十六年

諭曰齊巴克扎布之始祖固魯什喜當噶爾丹作亂時
首先來歸

聖祖仁皇帝念其為喀爾喀舊扎薩克優封郡王伊子孫
承襲今已四世著加恩令其世襲罔替四十七年齊
巴克扎布卒子多爾濟扎布襲

六次襲多爾濟扎布齊巴克扎布長子乾隆四十

七年襲扎薩克多羅郡王

扎薩克多羅郡王噶爾旦多爾濟列傳

今襲固山貝子

噶爾旦多爾濟喀爾喀部人姓博爾濟吉特土謝圖汗察琿多爾濟長子康熙二十五年隨父赴庫倫拍勒齊爾盟

詔授扎薩克二十六年率宰桑額爾德尼額爾克等來貢會大閱扈

駕往觀

命之射二十七年偕台吉額爾齊穆岱青禦噶爾丹于特
穆爾兵敗由齊奇爾台來歸二十九年來朝會其
族昆都倫博碩克圖袞布為噶爾丹所掠

命選兵隨尚書阿喇尼赴圖拉河援之三十年以貢至京
扈

駕幸多倫諾爾會閱

詔封多羅郡王仍兼扎薩克

賚銀幣牲畜并

命發獨石口倉粟賑所屬貧戶三十一年卒子敦多布多

爾濟襲

一次襲敦多布多爾濟噶爾旦多爾濟長子康熙三十一年襲扎薩克多羅郡王三十四年來朝

賜冠服銀幣三十五年扈

駕幸歸化城尋因屬衆乏食

詔發張家口倉粟賑之三十六年尚和碩恪靖公主授和碩額駙三十九年晉和碩親王會其祖察琿多爾

濟卒

詔襲土謝圖汗四十一年降襲郡王原爵其叔父多爾濟
額爾德尼阿海代襲汗號見土謝圖汗傳四十六
年

上由喀喇河屯

巡視蒙古諸部

駐蹕德爾濟庫木都和洛敦多布多爾濟偕恪靖公主迎

請

駕幸其第

賜章服及幣五十九年從平逆將軍延信等由裏塘護達

賴喇嘛入藏

詔留駐其地雍正元年軍旋叙功復封和碩親王晉固倫
額駙乾隆六年

命偕土謝圖汗敦丹多爾濟駐庫倫護視哲卜尊丹巴
呼圖克圖八年卒子四長根扎布多爾濟次額璘
沁多爾濟相繼襲爵次格齋多爾濟授公品級次

哲卜尊丹已呼圖克圖瑚畢勒罕

二次襲額璘沁多爾濟敦多布多爾濟次子乾隆

六年

命乾清門行走八年襲扎薩克和碩親王十年

命督理俄羅斯邊境事十二年授所部副將軍赴塔密

爾駐防十三年偕衆扎薩克告軍營臺站為護牧

設兵糧業蒙

恩賞至歲需牲畜願照數公捐無庸由牧廠運送定邊

左副將軍額駙策凌代奏

允之十九年夏奉

詔購駝馬由翁吉達什和碩解崆格扎布堪飼牧備用
冬授西路叅贊大臣二十年隨大軍由西路進剿
達瓦齊于伊犁時降首阿睦爾撒納充北路定邊
左副將軍達瓦齊既就擒謀據伊犁

上燭其奸

詔偕其兄齊木庫爾等入覲定北將軍班第由尼楚袞

軍營遣額璘沁多爾濟護之行齊木庫爾以阿睦
爾撒納叛逆著密勸額璘沁多爾濟擒之弗從行
至烏隆古阿睦爾撒納以北路定邊左副將軍印
授之詭稱歸牧治裝由額爾齊斯河馳遁翌日額
璘沁多爾濟追之弗及先是

上預知阿睦爾撒納中途必遁

密諭班第選軍中威望大臣監送班第奏額璘沁多爾
濟老成可任

上以其人小有才不更事

飭諭班第至是果債事

諭曰逆賊阿睦爾撒納業已叛遁額璘沁多爾濟率兵追捕量亦無濟著與齊木庫爾等遄行入覲未幾額璘沁多爾濟至議削爵論斬

諭曰額璘沁多爾濟以扎薩克親王叅贊大臣膺監送阿睦爾撒納之任乃齊木庫爾以逆謀既著勸令速行擒治伊恬不知警反以彼雙親王我單親王不敢

便宜從事為詞致令逆賊免脫夫既為國家叛賊尚何雙親王之足論且逆賊公然授印率衆徑行乃至逾日始知遁去領兵追捕業已無及試思此何等事而有心貽誤至此其心尚可問乎核其情罪萬無可逭但念乃祖乃父夙著勤勞朕尚不忍加以顯戮著賜令自盡於是停襲親王爵二十二年仍

命復世爵改為扎薩克固山貝子以額璘沁多爾濟兄

根扎布多爾濟襲

三次襲根扎布多爾濟敦多布多爾濟長子康熙五十五年尚郡主授和碩額駙乾隆二十二年襲扎薩克固山貝子二十五年卒

詔其子車布登多爾濟襲固山貝子弟格齋多爾濟襲扎薩克別授公品級

四次襲格齋多爾濟敦多布多爾濟第三子乾隆十年

命乾清門行走十八年

詔護視哲卜尊丹已呼圖克圖二十五年

賜公品級襲扎薩克三十六年以病罷改授一等台吉
其扎薩克即以兄子車布登多爾濟襲

五次襲車布登多爾濟根扎布多爾濟次子乾隆
十年尚郡君授固山額駙二十五年襲固山貝子
三十六年襲扎薩克三十九年卒子遜篤布多爾
濟襲

六次襲遜篤布多爾濟車布登多爾濟長子乾隆

三十九年襲扎薩克固山貝子四十四年

命乾清門行走是年扈

駕木蘭行圍

賜雙眼孔雀翎尋授副盟長及叅贊四十六年

諭曰貝子遜篤布多爾濟之先原係王爵因額璘沁多

爾濟身獲重罪削爵停襲朕念伊祖父舊勲不忍令

其遽盡是以特令降襲貝子著加恩世襲罔替四十

八年授盟長

欽定外藩蒙古回部王公表傳卷之四十七

欽定四庫全書

欽定外藩蒙古回部王公表傳卷之四十八

傳第三十二

追封多羅郡王扎薩克多羅貝勒車木楚克納木

扎勒列傳

今襲和碩親王

車木楚克納木扎勒喀爾喀部人姓博爾濟吉特
土謝圖汗察琿多爾濟從子曾祖額列克號墨爾
根汗子三長袞布子土謝圖汗察琿多爾濟次喇

嘛塔爾子扎薩克台吉巴朗別有傳次多爾濟號
杜爾格齊諾顏子德濟布號沁琿台吉生子二車
木楚克納木扎勒其長也嘗隨察琿多爾濟遣使
貢駝馬康熙二十七年偕弟朋素克喇布坦率屬
來歸三十年迎

覲多倫諾爾

詔授扎薩克一等台吉三十四年偕同族扎薩克台吉阿
玉什赴綏克洪果爾偵噶爾丹并備駝馬糗糧資

弁兵三十五年四月

上親征噶爾丹車木楚克納木扎勒選所部卒齊旺為大
軍導師次克魯倫遣部卒猛索和由額格穆爾布
爾哈蘇台伺賊三返復持書赴色楞額河約和託
輝特貝勒根敦及同部輔國公錫布推哈坦巴圖
魯協擊噶爾丹五月凱旋

諭獎其抒誠効力調遣得宜晉輔國公

命赴圖拉河偵禦七月調往安郡王瑪爾渾軍營與阿王

什護厄魯特降衆至張家口外十月瑪爾渾還

諭偕員外郎舍稜仍留駐軍十二月以私歸游牧被劾

上詢知舍稜倡先歸車木楚克納木扎勒等從之宥勿問

三十六年扈

駕幸寧夏還渡黃河

詔留車木楚克納木扎勒與阿玉什由水驛扈

蹕他扎薩克皆登陸遄歸游牧雍正元年叙追擒厄魯特

逃賊羅卜藏錫喇布功

詔晉封多羅貝勒羅卜藏錫喇布者烏梁海人初隸厄魯
特和託輝特貝勒博貝擒降之置汗阿林後徙置
察哈爾授佐領偕藍翎侍衛春丕勒轄其屬至是
攜衆叛逃車木楚克納木扎勒偕車臣汗部貝勒
旺扎勒等追擒之

上嘉悅故有是

命十年大軍剿噶爾丹策凌車木楚克納木扎勒奉檄赴
科布多軍中道病足恐失期授子台吉成衮扎布

兵遣馳赴軍自引餘騎扶病歸值厄魯特貝勒色布騰旺布屬奇爾吉斯人叛梗道力疾擊中鎗陣歿

上軫悼

遣官奠醑

賜銀千兩治喪乾隆三年追封多羅郡王子成袞扎布襲

一次襲成袞扎布車木楚克納木扎勒長子雍正

元年率兵三百從父追剿賊羅卜藏錫喇布十年

襲扎薩克多羅貝勒十一年授所部副將軍叅贊
賜三眼孔雀翎十二年隨大將軍平郡王福彭由科布多
屯察罕度爾尋赴吉達渾防護所部游牧乾隆三
年

諭曰貝勒成衮扎布効力軍營以來甚屬奮勉其父車
木楚克納木扎勒前因力疾擊賊歿於王事朕業加
恩追封郡王爵著即令成衮扎布晉襲多羅郡王尋
授所部副將軍十一年卒子齊巴克雅喇木丕勒

襲

二次襲齊巴克雅喇木丕勒成袞扎布長子乾隆十二年襲扎薩克多羅郡王

命乾清門行走十六年授副盟長十九年偕賽因諾顏部副將軍親王德沁扎布等率錫喇烏蘇備調兵赴烏里雅蘇台附近駐防尋偕叅贊大臣烏爾登轄防秋兵二十年大軍定伊犁齊巴克雅喇木丕勒由烏蘭呼濟爾運軍糧謀阿睦爾撒納叛賊黨

克什木巴蘇泰都噶爾等擾伊犁馳援力戰被執
不屈二十一年克什木等就擒齊巴克雅喇木丕
勒自伊犁還

諭曰郡王齊巴克雅喇木丕勒當逆賊倡亂時能奮勇
擊賊馳援班第朕甚嘉之著加恩晉封和碩親王遣
歸游牧以示體恤尋和託輝特逆賊青衮咱卜叛復
從大軍往剿二十三年所屬災

遣都統多爾濟賚銀賑之是年阿睦爾撒納竄斃俄羅

斯獻尸至界

詔馳赴恰克圖驗視三十年授盟長兼所部副將軍四十二年卒子三長三濟扎布授一等台吉晉公品級別有傳次齊巴克多爾濟襲親王次車登多爾濟為協理台吉

三次襲齊巴克多爾濟齊巴克雅喇木丕勒次子
乾隆二十七年

賜公品級三十四年扈

駕木蘭行圍

賜孔雀翎四十二年襲扎薩克和碩親王四十三年授

所部副將軍

賜三眼孔雀翎黃馬褂四十六年

諭曰齊巴克多爾濟之祖父宣力戎行屢著勞績由扎薩克台吉洊封和碩親王著加恩令其世襲罔替四十八年以庸懦無能

命解副將軍任

附追封公品級一等台吉三濟扎布列傳

三濟扎布親王濟巴克雅喇木丕勒長子初授一等台吉赴烏里雅蘇台軍効力乾隆二十二年病痘卒於軍

上憫之

賜銀五百兩治喪追封公品級子三都布多爾濟襲

一次襲三都布多爾濟三濟扎布長子乾隆二十二年襲公品級一等台吉四十六年理藩院議三

都布多爾濟所襲公品級例弗應世襲俟出缺請

旨

詔如議

欽定外藩蒙古回部王公表傳卷之四十八

欽定四庫全書

欽定外藩蒙古回部王公表傳卷之四十九

傳第三十三

扎薩克多羅貝勒西第什哩列傳

今襲多羅郡王

西第什里喀爾喀部人姓博爾濟吉特土謝圖汗察琿多爾濟弟初號巴圖爾台吉康熙二十五年赴庫掄伯勒齊爾盟

詔授扎薩克二十七年來歸

命游牧蘇尼特界內阿魯額埒蘇台三十年迎

覲多倫諾爾

詔封多羅貝勒仍兼扎薩克三十一年來朝

宴之三十五年

上親征噶爾丹

諭偕車臣汗部郡王納木扎勒貝子朋素克各引數十騎

由巴爾岱哈山麓往誘偵噶爾丹遁處

駕追至拖諾山凱旋得

優賚四十五年卒子二長辰丕勒多爾濟授扎薩克台吉
別有傳次丹津多爾濟襲貝勒

一次襲丹津多爾濟西第什哩次子康熙四十五年襲扎薩克多羅貝勒五十六年率兵赴阿爾台防禦策妄阿喇布坦五十九年隨振武將軍傅爾丹由布拉罕進剿至格爾額爾格擒宰桑貝坤等百餘人斬獲甚衆師還丹津多爾濟分屯昂奇爾
圖六十年

諭偕副都統穆克登以兵五百赴巴里坤叅贊靖逆將軍
富寧安軍雍正元年

諭曰自西北兩路出師以來貝勒丹津多爾濟敷歷戎行
奮勉効力

聖祖仁皇帝深愛其材著加恩晉封多羅郡王以示獎勵
二年撤大軍還

詔留喀爾喀兵二千駐阿爾台以丹津多爾濟及額駙郡
王策凌貝勒博貝為副將軍分統之所部有副將

軍自此始三年

詔丹津多爾濟軍用鑲黃旗纛尋因督視軍營駝馬并捐

羊助軍

諭優叙加級復予紀錄四年以偕土謝圖汗旺扎勒多爾

濟請助給屯田兵糧

獎賚幣仍

命加級八年叙功晉和碩親王尋封其子多爾濟色布騰

為固山貝子九年七月

命偕大學士馬爾賽駐防圖拉河尋議移駐四子部落界
丹津多爾濟以地曠恐冬艱芻薪請附牧歸化城
上從其請九月以準噶爾賊由華額爾齊斯至索勒畢烏
拉克沁謀掠喀爾喀靖邊大將軍傅爾丹擊之於
和通呼爾哈諾爾不利退守科布多

詔丹津多爾濟隨順承親王錫保防護察罕度爾為科布
多軍援十月偕額駙策凌由察罕度爾進剿準噶
爾時賊酋大策凌敦多卜為傅爾丹所遏不得逞

偵察罕慶爾屯重兵潛遣將海倫曼濟等取道阿爾台分掠克魯倫及鄂爾海喀喇烏蘇而自擁二萬餘衆由蘇克阿勒達呼繼進丹津多爾濟等馳往擊至鄂登楚勒授台吉巴海兵六百令宵入賊營誘賊將貢楚克扎布喀喇巴圖魯等率騎來追伏兵擊之斬喀喇巴圖魯餘衆潰大策凌敦多卜及海倫曼濟等遁

諭曰丹津多爾濟督率弁兵奮勇爭先擊敗準噶爾甚屬

可嘉伊前在軍營効力已加恩晉封親王著賞銀一萬兩以示獎勵十年六月賊酋小策凌敦多卜復糾衆三萬越察罕度爾東掠杭愛山并謀劫哲卜尊丹巴呼圖克圖丹津多爾濟以額駙策凌既邀擊之於克爾森齊老乃引兵赴額爾德尼昭偵賊遁馳疏以大敗賊衆告

賜智勇號及黃帶尋授盟長十月

特封其子貝子多爾濟色布騰為世子定例宗室親王始封世

子外藩有世子自多爾濟色布騰始蓋異數也十
一年追論賊越察罕度爾軍營順承親王防禦不
力罪事連丹津多爾濟先是策凌遇賊克爾森齊
老丹津多爾濟奉檄往援弗至賊遂趨額爾德尼
昭至是

上察知其實

諭曰丹津多爾濟蒙

聖祖仁皇帝施恩教育襲貝勒爵朕因其督辦駝馬積有

勞績由貝勒濟封親王優加恩眷昨歲額爾德尼昭伊
妄奏冒功今乃知其往援克爾森齊老時行未十里駐
兵不前及額爾德尼昭之役賊由杭愛山陰敗遁伊不
尾追反由杭愛山陽迂道遷延致賊免脫理應重治其
罪但念前此曾經効力暫行寬免削智勇親王爵及世
子并撤回黃帶降封郡王仍留所部副將軍任督辦未
完駝馬隨定邊大將軍平郡王福彭協理蒙古事務倘
不奮勉自贖仍蹈前轍定加倍治罪其傳諭知之乾隆

元年

諭曰郡王丹津多爾濟自出師以來督辦駝馬宣力有
年疊蒙

世宗憲皇帝寵眷嗣因自蹈愆尤降授郡王俾令自贖近
見其竭力抒誠諸事奮勉不負激勵懲誡之意著加
恩仍封和碩親王三年卒子三長即貝子多爾濟色
布騰尚和碩和惠公主授和碩額駙先丹津多爾
濟卒子桑齋多爾濟襲郡王次喇木丕勒多爾濟

授台吉次三達克多爾濟封扎薩克輔國公晉貝子品級別有傳

二次襲桑齋多爾濟丹津多爾濟長子額駙多爾濟色布騰之子乾隆三年襲扎薩克多羅郡王

上念其幼孤

詔隨和惠公主來京

教養內廷嗣尚縣君授多羅額駙十九年署所部副將軍尋隨定邊左副將軍親王成袞扎布駐防鄂爾

海喀喇烏蘇二十年正月隨定北將軍班第進剿
達瓦齊時降酋阿睦爾撒納為定邊左副將軍先
行桑齋多爾濟偕賽因諾顏部貝子沙克都爾扎
布等輕騎繼進七月達瓦齊就擒桑齋多爾濟攜
索倫扎哈沁兵千還途聞阿睦爾撒納叛親王額
璘沁多爾濟與同隊不能制馳赴額爾齊斯追收
定邊左副將軍印擒賊黨阿喀察定進等檄沿途
汛兵護軍需并防新降厄魯特衆

諭曰桑齋多爾濟以一少年奮勇効力甚屬可嘉其祖
丹津多爾濟本係親王著加恩晉襲原爵二十一年
八月和託輝特逆賊青衮咱卜叛擅撤汎兵桑齋
多爾濟飭所屬安伍察獲台吉阿雅喇所匿撤兵
偽符

詔獎其能授北路叅贊大臣尋

命往諭烏梁海總管赤倫協擒青衮咱卜閏九月授所
部副將軍

諭歸游牧嚴緝棄汛肆劫逃兵二十二年五月獲二十
七人寘於法

命徧諭汛兵知之八月以遣兵擒解附青衮咱卜叛之
族台吉達瑪琳至

獎賜幣二十三年赴庫掄協理俄羅斯邊境事二十四
年正月

命督解駝馬送烏里雅蘇台軍營二月請以茶布易俄
羅斯馬

詔如所請二十六年以妄奏定邊左副將軍親王成衮
扎布選兵弗公

訓飭之尋奉

命赴恰克圖購馬三十年議私與俄羅斯互市罪

詔削爵尋

命復封多羅郡王四十二年仍授所部副將軍四十

三年卒子永丹多爾濟襲

三次襲永丹多爾濟桑齋多爾濟長子初授一等

台吉

教養內廷乾隆四十二年

命乾清門行走

賜孔雀翎四十四年襲扎薩克多羅郡王

命御前行走

賜三眼孔雀翎是年扈

駕木蘭行圍

賜黃馬褂尋尚郡君授多羅額駙四十六年

詔世襲罔替四十八年授所部副將軍

欽定外藩蒙古回部王公表傳卷之四十九